

啓運慈悲道場懺法  
一心歸命三世諸佛

南無過去毗婆尸佛  
南無尸棄佛  
南無毘舍浮佛  
南無拘留孫佛  
南無拘那含牟尼佛  
南無迦葉佛  
南無本師釋迦牟尼佛  
南無當來彌勒尊佛

慈悲道場懺法卷第三  
顯果報第七

公三

今日道場同業大眾前已具述罪惡過患以過患故乖於勝業以不善業所以墮墮三途備歷惡趣及生人間受諸苦報皆由過去宿對因緣捨身受身無暫停息是以諸佛諸大菩薩神通天眼見三界內一切衆生福盡墮業墮於苦處見無色界樂著定心不覺命終墮於欲界以福盡故受禽獸形色界諸天亦復如是從清淨處墮在欲界既在不淨還受

欲樂六天福盡退墮地獄於地獄中受無量苦又見人道以十善力資得人身就人身中復有多苦壽盡多墮諸惡趣中又見畜生道一切衆生受諸苦惱鞭杖驅馳負重致遠困苦疲勦項領穿破熱鐵燒烙又見餓鬼常苦饑渴恒被火燒猶如劫盡若無微善永不解脫有片福者方得人身多病短命以自莊嚴大眾當知善惡二輪未曾暫輶果報連環初無休息貧富貴賤隨行所生非有無因而妄招果所以經言爲人豪貴國王長者從禮事

三寶中來爲人大富從布施中來爲人長壽從持戒中來爲人端正從忍辱中來爲人勤修無有懈怠從精進中來爲人才明遠達從智慧中來爲人音聲清徹從歌詠三寶中來爲人潔淨無有疾病從慈心中來爲人長大姝好恭敬人故爲人短小輕機人故爲人醜陋喜瞋恚故生無所知不學問故爲人顛愚不教他故爲人瘡痘誘毀人故爲人下使負債不償故爲人醜黑遮佛光明故生在裸園輕衣捨捨勝已故生馬蹄國著履勝已前行

故生穿胷國布施作福悔惜心故生麐鹿中  
驚怖人故生墮土龍中喜調戲故身生惡瘡鞭  
撻衆生故人見歡喜見人歡喜故喜遭縣官  
籠繫衆生故聞說法語於中兩舌亂人聽受  
後墮耽耳狗中聞說法語心不餐采後生長  
耳驢中慳貪獨食墮餓鬼中出生爲人貧窮  
饑餓惡食飼人後墮猪狥蜣娘之中劫奪人  
物後墮羊中人生剥皮食噉其肉喜偷盜人  
後生牛馬爲人下使喜作妄語傳人惡者死  
入地獄烊銅灌口拔出其舌以牛耕之罪畢

得出生鳩鵠中人聞其聲無不驚怖皆今戀  
恠呢令其死喜飲酒醉後墮沸屎泥犁之中  
罪畢得出生猩猩中猩猩業畢後得爲人頑  
無所知人不齒錄貪人力者後生象中夫處  
富貴爲人上者鞭杖其下爲下之人告訴無  
地如是等人死入地獄數千萬歲受諸苦報  
公三從地獄出墮水牛中貫穿鼻孔挽船牽車大  
杖打朴償往宿殃爲人不淨從猪中來慳貪  
不恕已者從狗中來很僥幸自用從羊中來  
人輕躁不能忍事從獮狖中來身體腥臭從

魚鼈中來爲人含毒從蛇中來人無慈心從虎狼中來

今日道場同業大眾人生世間多病短命種種痛苦不可具說皆由三業構造所得能令人嬰三塗報所以有三塗者因有三毒貪恚愚癡又復三惡以自燒然口常言惡心常念惡身常行惡以此六事能使人身常苦常惱無有休息於此命終孤魂獨逝慈親孝子不能相救倏忽之間到閻羅所地獄獄卒不問尊卑但案罪錄檢校生時善惡多少神識

自首不敢隱匿以是因緣隨業至趣苦樂之地身自當之杳杳冥冥別離長久道路不同會見無期又諸天神記人善惡乃至毛髮無片遺漏善人行善獲福益壽惡人行惡命短苦長如是輪轉又墮餓鬼從餓鬼脫生畜生中罪苦難忍受之無竟

今日道場同業大眾各自覺悟起慚愧心經言作善得善作惡得惡而五濁惡世不可作惡善不失善報爲惡自招殃莫言輕脫立此懺法經言莫輕小善以爲無福水滴雖微漸

盈大器小善不積無以成聖莫輕小惡以爲無罪小惡所積足以滅身大衆當知吉凶禍福皆由心作若不作因亦不得果殃積罪大肉眼不見諸佛所說誰敢不信我等相與生世強健苟不勤學自力行善臨窮方悔亦何所及今已共見一切過患如經所說自知其罪豈得不捨惡從善今生若復不能用心判捨此形必墮地獄何以知之今見爲罪之時未嘗不含毒猛烈懷恨深重若瞋一人必欲令死若嫉一人惡見其好若毀一人必使陷

於苦處若鞭一人必使窮天楚毒忿恚暴害不避尊卑惡罵醜言無復高下乃至聲震若雷眼中火現至於爲福之時善心微劣始欲爲多未遂減少初欲速營續後且住心既不志日月推遷如是進退遂忘失是知作罪之時心氣剛強爲福之時志意劣弱今以弱善之因求離強惡之報豈可妄得經云懺悔則無罪不滅夫至懺悔之時必須五體投地如太山崩乃至不惜身命爲滅罪故殷勤督勵相與覺察今生已來曾經幾過作此忿責

不惜身命捍勞忍苦作此懺悔暫時旋繞便生厭倦暫時禮拜已言氣力不堪或暫端坐復言應須消息或言四體不可過勞宜應將養不可使困一伸脚眠差如小死何處復憶我應禮佛掃塔塗地辦所難辦且經教所明未見一善從憤惄懈怠中生無有一法從憍慢自恣中得某等今日雖得人形心多背道何以知然從旦至中從中至暮從暮至夜從夜至曉乃至一時一刻一念一頃無有片心念三寶四諦無有片心報父母恩無有片心報

師長恩無有片心欲布施持戒忍辱精進無有片心欲學禪定修智慧業今試檢校清白之法無一可論煩惱重障森然滿目若不作此檢察亦自言我功德不少設有片善言我能作他不能作我能行他不能行意氣高傲傍若無人追此而言實可羞恥今於大眾前懺悔衆罪願布施歡喜將來無障大眾亦宜自浣身心果報之徵具如向說豈得自寬不求捨離大眾莫吉我無是罪我既無罪何須懺悔若有此念願即除滅且幾微小失已成

大咎暫然之恨瞋恚便起性與習成難可改  
革心不可縱意不可逞若能抑忍則煩惱可  
除如其怠情未見濟度某等今日仰承諸佛慈  
悲念力諸大菩薩本誓願力說罪業報應教  
花地獄經宜各靜慮一心諦聽如是我聞一

時佛住王舍城耆闍崛山中與菩薩摩訶薩  
及聲聞眷屬俱亦與比丘比丘尼優婆塞優  
婆夷及諸天龍鬼神等皆悉集會爾時信相  
菩薩白佛言世尊今有地獄餓鬼畜生貪富  
貴賤種類若干凡有衆生聞佛說法如孩子

得母如病得醫如裸得衣如闇得燈世尊說  
法利益衆生亦復如是爾時世尊觀時已至  
知諸菩薩勸請殷勤即放眉間白毫相光照  
于十方無量世界地獄休息苦痛安寧爾時  
一切受罪衆生尋佛光明來詣佛所達佛七  
金三市至心作禮勸請世尊廣宣道化令諸衆生  
得蒙解脫

今日道場同業大眾我今至誠勸請諸佛亦  
復如是願諸衆生同得解脫相與至心等一  
痛切五體投地勸請十方盡虛空界一切諸

佛願以慈悲力救諸苦惱今得安樂又復勸  
請世間大慈悲父

南無彌勒佛 南無釋迦牟尼佛  
南無梵天佛 南無不退轉輪成首佛

南無大興光王佛 南無法種尊佛  
南無日月燈明佛 南無須彌佛  
南無大須彌佛 南無超出須彌佛  
南無喻如須彌佛 南無香像佛  
南無淨光佛

南無法最佛 南無香自在王佛  
南無大集佛 南無香光明佛  
南無火光明佛 南無無量光明佛  
南無師子遊戲菩薩 南無師子奮迅菩薩  
南無堅勇精進菩薩 南無金剛慧菩薩  
南無無邊身菩薩 南無觀世音菩薩  
公三 南無佛陀 南無達摩 南無僧伽  
又復歸依如是十方盡虛空界一切三寶大  
慈大悲唯願救拔一切苦惱令諸衆生即得  
解脫改往修來不復爲惡從今日去畢竟不

復墮於三塗身口意淨不念人惡離諸業障  
得清淨業一切衆邪不復能動常行四等精  
進勇猛植衆德本所爲無量捨身受身恒生  
福地念三塗苦發菩提心行菩薩道不休不  
息六度四等常得現前三明六通如意自在

出入遊戲諸佛境界等與菩薩俱成正覺

今日道場同業大衆起怖畏心起慈悲心一  
心一意攝耳聽爾時世尊放眉間白毫相  
光徧照六道一切衆生時信相菩薩爲愍念  
諸衆生故即從座起前至佛所胡跪合掌白

佛言世尊今有衆生爲諸獄卒剉碓斬身從  
足至頂斬之纔訖巧風吹活還復斬之受此  
苦報無有休息何罪所致佛言是等衆生以  
前世時不信三尊不知供養不孝父母興惡  
逆心屠兒魁膾斬害衆生以是因緣故獲斯

罪復有衆生身體頑渾眉顙墮落舉身洪爛  
鳥棲鹿宿人跡斷絕親族棄捨人不喜見如  
是惡報名之癩病以何因緣故得此罪佛言  
以前世時不信三尊不孝父母破塔壞寺剝  
奪道人斫射聖賢傷害師長曾無反復背恩

忘義常行狗犬玷污所尊不避親疎無有慚愧以是因緣故獲斯罪復有衆生身體長大聾駭無足宛轉腹行唯食泥土以自活命爲

諸小蟲之所嗜食晝夜受苦無有休息何罪

六三

所致佛言以前世時爲人自用不信好言不

孝父母違戾反逆或爲地主及作大臣四鎮方伯州郡令長里禁督護情其威勢侵奪民物無有道理使民窮苦以是因緣故獲斯罪復有衆生兩目失明都無所見或抵樹木或墮溝坑於是死已更復受身既得生已還復

如是何罪所致佛言以前世時不信罪福障佛光明縫暗他眼籠閉衆生皮囊盛頭不得所見以是因緣故獲斯罪

今日道場同業大眾如經所說大可怖畏我等亦可已作是罪無明所覆不自憶知如是等罪無量無邊於未來世方受苦報今日至心等一痛切五體投地稽顙求哀慚愧改悔已作之罪因懺除滅未作之罪從今清淨仰願十方一切諸佛

南無彌勒佛 南無釋迦牟尼佛



諸癡暗廣爲分別甚深妙法使得具足無上  
菩提成等正覺

今日道場同業大眾重復至誠一心諦聽信  
相菩薩白佛言世尊復有衆生嘗吃瘡瘍口  
不能言若有所說不能明了何罪所致佛言  
以前世時誹謗三尊輕毀聖道論他好惡求  
人長短強誣良善憎嫉賢人以是因緣故獲  
斯罪復有衆生腹大頸細不能下食若有所  
食變爲膿血何罪所致佛言以前世時偷盜  
衆食或爲大會施設餚饍私取麻米屏處食

之慳惜己物但貪他有常行惡心與人毒藥  
氣息不通故獲斯罪復有衆生常爲獄卒之  
所燒炙熱鐵灌身鐵釘釘之釘之既訖自然  
火起焚燒其身悉皆焦爛何罪所致佛言以  
前世時坐爲針師傷人身體不能差病誑他  
取物令他痛苦故獲斯罪復有衆生常在鑊  
中牛頭阿旁手捉鐵叉叉著鑊中煮之今爛  
還即吹活而復煮之何罪所致佛言以前世  
時屠殺衆生湯灌城毛不可限量以是惡業  
故獲斯罪

今日道場同業大眾如經所說大可怖畏我等不知在何道中曾作如是無量惡業於未來世方嬰劇報亦可即身應見此苦塞吃瘡症口不能言或復大腹小頭不能下食人生何定今日雖安明亦難保果報一來不可得脫宜各人人覺悟此意真心正念莫復餘想等一痛切五體投地普為今日四生六道一切衆生已受苦者當受苦者歸依世間大悲

悲父

南無彌勒佛 南無釋迦牟尼佛

南無自在王佛 南無無量音佛  
南無定光明佛 南無寶光明佛  
南無寶蓋照空佛 南無妙寶佛  
南無諦幢佛 南無梵幢佛  
南無阿彌陀佛 南無殊勝佛  
金剛步精進佛  
南無集音佛 南無寶火佛  
南無自在王神通佛 南無淨月幢稱光明佛  
南無妙樂佛 南無無量幢福佛  
南無無量福佛 南無大光普照佛

南無寶幢佛

南無慧上菩薩 南無常不離世菩薩

南無無邊身菩薩 南無觀世音菩薩

南無佛陀 南無達摩 南無僧伽

又復歸依如是十方盡虛空界一切三寶仰

願諸佛諸大菩薩大慈大悲救護一切受苦  
衆生以神通力滅除惡業令諸衆生畢竟不  
復墮於苦處得清淨趣得清淨生功德滿足  
不可窮盡捨身受身恒值諸佛同諸菩薩俱  
登正覺

今日道場同業大眾重加心力攝耳諦聽信  
相菩薩白佛言世尊復有衆生在火城中燒  
煥齊心四門雖開到則自閉東西馳走不能  
得出爲火燒盡何罪所致佛言以前世時焚  
燒山澤決撒陂池火炮雞子使諸衆生淤燶  
而死以是因緣故獲斯罪復有衆生常在雪  
山寒風所吹皮肉剥裂求死不得求生不得  
苦毒萬端不可堪忍何罪所致佛言以前世  
時橫道作賊剝奪人衣以自資養冬月隆寒  
裸他凍死剝剥牛羊苦痛難忍以是因緣故

獲斯罪復有衆生常在刀山劍樹之上若有  
所捉即便割傷支節斷壞痛毒辛酸不可堪  
忍何罪所致佛言以前世時宰殺爲業烹害

衆生屠割剥裂骨肉分離頭脚星散懸於高  
格稱量而賣或復生懸痛不可以忍以是惡業  
故獲斯罪復有衆生五根不具何罪所致佛  
金三  
言以前世時飛鷹走狗彈射鳥獸或破其頭  
十二  
或斷其足生滅其翼使受痛苦以是惡業故  
獲斯罪

今日道場同業大衆如經所說大可怖畏相

與至心等一痛切五體投地普爲十方一切  
衆生已受苦者當受苦者歸依世間大慈悲  
父

南無彌勒佛 南無釋迦牟尼佛  
南無淨光佛 南無寶王佛  
南無樹根華王佛 南無維衛莊嚴佛  
南無開化菩薩佛 南無見無恐懼佛  
南無一乘度佛 南無德內豐嚴王佛  
南無金剛堅強銷伏壞散佛

南無寶火佛 南無寶月光明佛

南無 賢 最 佛 南無 寶蓮華步佛  
南無 壞魔羅網獨步佛

南無 師子吼力佛 南無 悲精 進佛  
南無 金寶光明佛 南無 無量尊豐佛  
南無 無量尊離垢王佛

南無 德 首 佛

金三

十三

南無 藥 王 菩薩 南無 藥 上 菩薩  
南無 藥 王 菩薩 南無 觀世音菩薩  
南無 無邊身菩薩 南無 觀世音菩薩  
又復歸依如是十方盡虛空界一切三寶願  
以大慈大悲救拔十方一切衆生令現受苦

者即得解脫當受苦者畢竟斷除畢竟不復  
墮於惡趣從今日去至于道場除三障業滅  
五怖畏功德智慧具足莊嚴攝取一切衆生  
同共回向無上菩提成等正覺

今日道場同業大眾重復增到一心諦聽信

相菩薩白佛言世尊復有衆生攀躋攀躋背懷腰  
範不隨腳跛手折不能行步何罪所致佛言  
以前世時爲人憎刻行道安槍施射戈穿陷  
墜衆生以是惡業故獲斯罪復有衆生爲諸  
獄卒執繫其身枷杻苦厄不能得免何罪所

致佛言以前世時網捕衆生籠繫六畜或爲  
宰主令長貪取民物枉繫良善怨訴無所以  
是惡業故獲斯罪復有衆生或顛或癡或狂  
或驥不別好醜何罪所致佛言以前世時飲  
酒醉亂犯三十六失後得癱身猶如醉人不  
別尊卑以是惡業故獲斯罪復有衆生其形  
短小陰藏甚大挽之身疲背伏進引行住坐  
臥以之爲妨何罪所致佛言以前世時持生  
販賣自譽己物毀他財寶巧弄升斗捻秤前  
後以是惡業故獲斯罪

悲父

南無彌勒佛 南無釋迦牟尼佛  
南無無數精進興豐佛  
南無無言勝佛 南無無愚豐佛  
南無月英豐佛 南無無異光豐佛

今日道場同業大眾如佛所說大可怖畏相  
與至心等一痛切五體投地爲今日現受苦  
一切衆生當受苦一切衆生乃至六道現受  
當受一切衆生又爲父母師長信施擅越善  
惡知識廣及十方一切衆生歸依世間大慈

南無逆空光明佛

南無最清淨無量福佛

南無好諦住唯王佛

南無成就一切諸刹豐佛

南無淨慧德豐佛 南無淨輪福佛

南無瑠璃光最豐佛 南無寶德步佛

南無最清淨德寶住佛

南無度寶光明塔佛

南無無量慚愧金最豐佛

南無文殊師利菩薩 南無 普賢 菩薩

南無無邊身菩薩 南無觀世音菩薩  
又復歸依如是十方盡虛空界 一切三寶某等

今日仰承佛力法力諸菩薩力爲其稽願求  
哀懺悔已受苦者以佛菩薩大慈悲力令即

解脫未受苦者從今日去至于道場畢竟不  
復墮於惡趣離八難苦受八福生得諸善根  
十二  
成就平等具足智慧清淨自在同與如來俱

登正覺

今日道場同業大眾宜用心攝耳諦聽信  
相菩薩重白佛言世尊復有衆生其形極醜

身黑如漆兩耳復青雙頰俱阜面平鼻兩  
眼黃赤牙齒疎缺口氣腥臭矬短壅腫大腹  
小腰手脚癩戾僂脊凸肋費衣健食惡瘡膿  
血水腫乾消疥癩癧疽種種諸惡集在其身  
雖親附人人不在意若他作罪橫罹其殃求  
不見佛求不聞法不識菩薩不識賢聖從苦  
入苦不得休息何罪所致佛言以前世時爲  
子不孝父母爲臣不忠其君爲上不愛其下  
爲下不恭其上朋友不賞其信鄉黨不以義  
從朝廷不以其爵斷事不以其道心意顛倒

無有期度殺害君臣輕陵尊長伐國掠民攻  
城破塢偷劫盜竊惡業非一美已惡人侵陵  
孤老誣謗賢善輕慢師長欺誑下賤一切罪  
業悉具犯之衆罪業報故獲斯罪爾時諸受  
罪人聞佛世尊作如是說號泣動地淚下如  
雨而白佛言唯願世尊久住說法化我等輩  
令得解脫佛言若我久住此世薄福之人不  
種善根謂我長在不念無常造諸無量不善  
之本後方追憶悔無所及善男子譬如嬰兒  
母常在側於毋不生難遭之想若母去時便

生渴仰思戀之心毋方還來悉乃生喜善男子我今亦復如是知諸衆生不求常住故般涅槃于時世尊即於受罪衆生而說偈言

水流不常滿 火猛不久然 日出須臾沒  
月滿還復虧 尊榮豪貴者 無常復過是

念當勤精進 頂禮無上尊

爾時世尊說此偈已諸受罪人銜悲白佛言  
世尊一切衆生作何善行得離斯苦佛言善  
男子當勤孝養父母敬事師長歸奉三尊勤  
行布施持戒忍辱精進禪定智慧慈悲喜捨

怨親平等無有二相不欺孤老不輕貧賤護  
人猶已不起惡念汝等若能如是修行則爲  
已得報佛之恩永離三塗無復衆苦佛說是  
經已菩薩摩訶薩即得阿耨多羅三藐三菩提  
提聲聞緣覺即得六通三明具八解脫其餘  
大衆得法眼淨若有衆生得聞是經不墮三  
塗八難之處地獄休息苦痛安寧信相菩薩  
白佛言世尊當何名斯經菩薩摩訶薩云何  
奉持佛告信相菩薩善男子此經名爲罪業  
報應教化地獄經汝當奉持廣令流布功德

無量時諸大衆聞說此法一心歡喜頂戴奉行

今日道場同業大眾如佛所說大可怖畏相與今日起怖畏心起慈悲心承諸佛力行菩薩道念地獄苦發菩提心當爲今日現受地獄道苦一切衆生現受餓鬼道苦一切衆生現受畜生道苦一切衆生廣及六道現受苦者一心一意爲其禮懺令此衆生悉得解脫我等若不勤行方便轉禍爲福者則於一一地獄皆有罪分相與至心當念父母師長親

感眷屬未來應受苦報亦念自身未來現在方嬰此苦等一痛切五體投地至誠懇惻苦到用心願令一念感十方佛一拜斷除無量衆苦若六道中已受苦者以佛力法力賢聖力令此衆生即蒙解脫若六道中未受苦者以佛力法力賢聖力令此衆生永得斷除從今日去畢竟不復墮於惡趣除三障業隨念佛往生滅五怖畏自在解脫勤修道業不休不息妙行莊嚴過法雲地入金剛心成等正覺今日道場同業大眾重復用心攝耳諦聽善

思念之雜藏經說時有一鬼白目連言我身兩肩有眼脣有口鼻而無有頭何罪所致目連答言汝前世時恒作魁膽弟子若殺人時汝常歡喜以繩結挽以是因緣故受此罪此是華報果在地獄復有一鬼白目連言我此身形常如塊肉無有手足眼耳鼻等常爲蟲鳥之所啄噉如是苦痛難堪難忍何罪所致目連答言汝前世時與他毒藥墮胎落孕令諸衆生命不全活以是因緣故獲斯罪此是華報果在地獄復有一鬼白目連言我腹極

大咽喉如針窮年卒歲不得飲食何罪所致目連答言汝前世時作聚落主自恃豪貴飲酒縱橫輕欺他人奪其飲食機因一切以是因緣故獲斯罪此是華報果在地獄復有一鬼白目連言我一生來有二熱鐵輪在兩腋下舉身焦爛何罪所致目連答言汝前世時與衆作餅盜取二番挾兩腋下以是因緣故獲斯罪此是華報果在地獄復有一鬼白目連言我常以物蒙籠其頭畏人來殺心生怖懼何罪所致目連答言以前世時姪犯外色

常畏人見或畏夫主捉縛打殺常懷恐怖故  
獲斯罪此是華報果在地獄

今日道場同業大眾如經所說豈得不人人  
生大怖畏相與無始已來至于今日應作如  
是無量罪惡如是等罪皆因無慈悲心以強  
欺弱傷害衆生乃至盜竊他物迷惑失道謠  
謗賢善作種種罪如是罪報於惡道中必受  
其苦今日至心等一痛切五體投地普爲六  
道已受苦者當受苦者求哀禮懺亦爲父母  
師長一切眷屬求哀禮懺亦爲自身求哀禮

懺已作之罪願乞除滅未作之罪不敢復作  
唯願世間大慈悲父

南無

彌 勒 佛

南無釋迦牟尼佛

南無

蓮華尊豐佛

南無淨寶興豐佛

南無電燈

旛王佛

南無法空燈佛

南無

一切衆德成佛

南無賢旛幢王佛

南無

斷疑拔欲除冥佛

南無

一切寶緻色持佛

南無意無恐懼威毛不豎佛

南無

師子佛

南無名稱遠聞佛

南無法名號佛 南無奉法佛  
南無法幢佛 南無須彌燈光明佛  
南無寶藏莊嚴佛 南無栴檀摩尼光佛  
南無金海自在王佛 南無大悲光明王佛  
南無優鉢羅蓮華勝佛

南無蓮華寶莊嚴王佛

南無金剛堅強自在王佛

南無殊勝月王佛 南無日月光王佛

南無大勢至菩薩

南無常精進菩薩

南無不休息菩薩

南無虛空藏菩薩

南無無邊身菩薩 南無觀世音菩薩  
又復歸依如是十方盡虛空界一切三寶願  
以大慈大悲救護六道現受苦當受苦一切  
衆生令此衆生即得解脫以神通力斷除惡  
道及地獄業今諸衆生從今日去至于道場

畢竟不復墮於惡趣捨苦報身得金剛身四  
等六度常得現前四辯六通如意自在勇猛  
精進不休不息乃至進修滿十地行還復度  
脫一切衆生

慈悲道場懺法卷第三

音釋

永樂北藏

慈悲道場懺法

永樂北藏

慈悲道場懺法

第一五二冊

骨切  
也銳也  
**疥** 古隸  
切 瘡於客  
**痘** 古余  
切 掠  
劫奪也  
讒